

三觀（續）

若論圓教圓融觀一亦稱圓頓觀¹（續）

如是圓教教理，顯現在「緣起實相論」，此實相論，又稱不思議。不思議的表現，顯現在諸法的互融、互攝、無礙性中，一時顯現，如芥子納須彌。

又不思議法，表現在由一法開出無量法。如《華嚴》所說的一多相即。

又此不思議法，表現在無量法會歸一法，一法曰：「空」。如河川入大海，同一鹹味，且不失其性。

又如蜂蜜，邊中皆甜。說諸法本無生，是生亦無生，是名不思議稱妙。以空本無生，而生出一切山河大地、凡夫、二乘、菩薩、佛等等。故《淨名》云：「一切眾生，皆是涅槃相。」涅槃乃聖人之所証，今凡夫本具，豈能不妙，豈是思議能知。

空無生是其性，有是空無生德的顯現，此空的顯現有，亦不離開空，如是空有不異，謂中道第一義諦。任舉一法，具足三諦，無減缺曰：不思議妙法。

¹ 圓頓者：初緣實相造境即中，無不真實。繫緣法界，一念法界，一色一香無非中道。己界及眾生界亦然。陰入皆如，無苦可捨。無相塵勞即是菩提，無集可斷。邊邪皆中正，無道可修。生死即涅槃，無滅可証。無苦無集故無世間，無道無滅故無出世間。純一實相，實相外更無別法。法性寂然名止，寂而常照名觀。雖言初後無二無別名圓頓止觀。

始終心要 荊谿尊者述

夫三諦者，天然之性德也。

中諦者：統一切法。

真諦者：泯一切法。

俗諦者：立一切法。

舉一即三非前後也。含生本具，非造作之所得也。

悲夫！祕藏不顯，蓋三惑之所覆也。

故無明，翳乎法性。

塵沙，障乎化導。

見思，阻乎空寂。

然茲三惑乃體上之虛妄也。

於是大覺慈尊喟然歎曰：

真如界內，絕生佛之假名。

平等慧中，無自他之形相。

但以眾生妄想不自證得，莫之能返也。

由是立乎三觀，破乎三惑。證乎三智，成乎三德。（待續）